

VROJTME MBI NDRYSHIMET E MUKOZËS SË ANTRUMIT DHE TË TRUPIT NË ULÇERAT KRONIKE TË STOMAKUT

ILIR KAJO, PËLLUMB BITRI, ASQERI XHANI, FLORA CANAJ, BASHKIM ZYKAJ *

Summary

OBSERVATIONS ON THE ANTRAL MUCOSA CHANGES

The authors have observed the changes of antrum and body mucosa of 98 patients suffering from chronic ulcer of stomach carrying out 3-4 specimens for each region. In 78.6% of the patients the author has observed histologic mucous changes, 79.3% of which are diffuse and 20.7% local. In 44.9% of the patients is seen a reflux of bile-pancreatic secretion. In the biggest percentage superficial acute gastritis was observed and then hypertrophic chronic gastritis, gastric atrophy and diffuse acute gastritis. It's observed even a case of adenocarcinoma or reticulosarcoma of stomach, while dysplasia and metaplasia in 7.1% and 1% respectively.

The authors stress that it's indispensable for the biopsy to be taken in antral and body region of this type of ulcer to see its morpologic changes that are taking place. This changes are considered like lesions with a high potenciality.

Përcaktimi i natyrës së ulçerës së stomakut është një nga indikacionet më të rëndësishme për endoskopinë (5, 6, 14, 18, 19, 32). Kriteret tradicionale si përcaktimi i aciditetit gastrik, ndieshmëria ndaj trajtimit medical etj., konsiderohen aktualisht si të pamjaftueshme. Teknikat komplementare të endoskopisë, si përdorimi i ngjyruessve, citologjia dhe biopsia janë aktualisht metodat më të përshtatshme, duke arritur me këtë të fundit një saktësi deri në 95% dhe duke i ndërthurur ato, deri në 98,5% (5, 15, 19).

Shumica e ulçerave shoqërohen me shfaqjen e gastritit dhe kjo ka bërë që disa autorë të mendojnë që gastriti të jetë një gjendje pararendëse që predisponon ulceracionin (2,21). Megjithatë, lidhja midis tipit dhe shkallës së gastritit nuk janë të qartësuara.

Ky punim është drejtuar për të vrojtuar ndryshimet e mukozës së antrumit dhe të trupit në ulçerat beninje të stomakut, praninë e refluksit të sekrecioneve biliopakreatike si dhe moshës e shfaqjes së këtyre ndryshimeve.

Materiali dhe metoda

Janë marrë në studim 98 të sëmurë me ulçer kronike të stomakut. Nga këta 70 janë meshkuj dhe 28 femra. Moshë mesatare e tyre është 49,7 vjeç (nga 20 deri në 71 vjeç). Në secilin të sëmurë ulcera është diagnostikuar me radiologji dhe fibrogastroskopi. Biopsitë e marra në ulcer (8 marrje) kanë vërtetuar beninjitetin. Biopsitë në distancë nga ulcera janë marrë në regjonin antral dhe në trup duke kryer 3-4 marrja. Materiali biptik është futur menjëherë në flakone të

veçanta për secilin regjon, në tretësirën fiksuere BOUIN është dërguar për ekzaminim morfologjik, i cili është kryer nga anatomopatologë me përvojë.

Gastriti sipërfaqësor është përcaktuar duke u bazuar në infiltrimin e tunica propria me elemente limfocitare, plazmocitare si dhe pak eozinofilë. Ky infiltrim lokalizohet në një të tretën e poshtme të mukozës, brenda zonës alveolare dhe nuk përfshin planin e gjendrave fundale, të cilat në këtë rast paraqiten me pamje normale.

Në përgjithësi gjendrat paraqiten të atrofizuara dhe kjo atrofi është mjaft e theksuar, aq sa shpesh herë disa gjendra mungojnë.

Atrofia gastrike karakterizohet në radhë të parë nga zhdukja e pakthyeshme e gjendrave fundike. Në lamina propria nuk ekziston asnjë reaksion inflamator, ose në disa raste ky ka trajtë minimale.

Gastriti hipertrofik është parshkruar nga mbizotërimi i proceseve hiperplazike hipertrofike në gjendrrat, shumëzimi i folikujve limfoidë, infiltrate limfocitare e plazmocitare në stromën e murit të stomakut. Pjesa më e madhe e të sëmurëve janë ata të dekadës së gjashtë të moshës (51-60 vjeç) me 37 raste (37,7%) e më pas ata të dekadës së pestë. të katërt, të shtatë, të tretë, të tetë (grafiku nr.1). Nga 98 të sëmurët tonë, 20 raste (20,4%), janë pa dëmtime si të antrumit, ashtu dhe të trupit, ndërsa ata që paraqitin ndryshime morfologjike janë 78 raste (78,6%) e të sëmurëve. Nga 78 të sëmurët që paraqitin ndryshime morfologjike, këto ndryshime janë difuze në 62 prej tyre (79,3%), kurse në 16 raste (20,7%) këto ndryshime janë lokale. Pra në

* Dërguar në redaksi më 20 Qershor 1991, miratuar më 29 Tetor 1991. Nga Instituti Kërkimor i Mjekësisë Ushtarake (I.K). Shërbimi i Gastroenterologjisë së Qendrës Spitalore Universitare Tiranë (FC, B.Z. NXH).

Adresa për letërkëmbim: F. Canaj. Shërbimi i Gastroenterologjisë. Qendra Spitalore Universitare T.m.